

西安碑林全集

開成石經

第一七七卷 春秋穀梁傳

王世子于首戴乃所以尊
天王之命也世子含王命
會齊桓亦所以尊天王之
命也世子受之可乎是亦
變之正也天子微諸侯不
享覲世子受諸侯之尊已

而天王尊矣。亡子受之可也。鄭伯逃歸，不盟，以其去諸侯，故逃之也。楚人滅弦，弦子奔黃。弦國也。其不日徵國也。九月戊申朔，日有食之。冬，晉人執虞公。執不

言所於地縕於晉也其曰
公何也猶曰其下執之之
辭也其猶下執之之辭何
也晉命行乎虞臣矣虞孰
之相救非相爲賜也今日
亡孰而明日亡虞矣

六年春王正月夏公會齊
侯宋公陳侯衛侯曹伯伐
鄭圍新城伐國不言圍邑
此其言圍何也病鄭也著
鄭伯之罪也秋楚人圍許
諸侯遂救許善救許也冬

公至自伐鄭其不以救許
至何也大伐鄭也
七年春齊人伐鄭夏小邾
子來朝鄭殺其大夫申侯
稱國以殺大夫殺無罪也
秋七月公會齊侯宋公陳

廿子款鄭其子華盟于寧
母衣裳之會也曹伯班率
公子友如齊冬葬曹昭公
八年春王正月公會王人
齊侯宋公衛侯許男曹伯
陳世子款盟于訖王人之

先諸侯何也貴王命也朝
服雖敝必加於上弁冕雖
舊必加於首周室雖衰必
先諸侯兵車之會也鄭伯
乞盟以向之逃歸乞之也
乞者重辭也重是明盟也乞

者處其所而請與也蓋洵
之也夏狄伐晉秋七月禘
于大廟用致夫人用者不
宜用者也致者不宜致者
也言夫人必以其氏姓言
夫人而不以氏姓非夫人

也並妾之辭也非正也
夫人之我可以不夫人之
乎夫人卒葬之我可以
不卒葬之乎一則以宗
廟臨之而後貶焉一則以
外之弗夫人而見正焉各

十有二月丁未天王崩
九年春王三月丁丑宋公
禦說卒夏公會宰周公齊
侯宋子衛侯鄭伯許男曹
伯于葵丘天子之宰通于
四海宋其稱子何也未葬

之辭也禮極在堂上孤無
外事今背殯而出會以宋
子爲無哀矣秋七月乙酉
伯姬卒內女也未適人不
卒此何以卒也許嫁筭而
字之死則以成人之喪治

之九月戊辰諸侯盟于葵
丘桓盟不日此何以日美
之也爲見天子之禁故備
之也葵丘之盟陳牲而不
殺誼書加于牲上壹明天
子之禁曰毋雍泉毋訖糴

毋易櫝子毋以妾爲妻毋
使婦人與國事甲子晉侯
詭諸卒父二日里克殺其君
之子奚齊其君之子云者
國人不子也國人不子何
也不正其殺世子申生而

立之也

十年春王正月公如齊狄

滅溫溫子奔衛晉里克弑

其君卓及其大夫荀息以

尊及卑也荀息閑也夏齊

侯許男伐北戎平曰殺其大

夫里克稱國以殺罪累上
也里克弑二君與一大夫
其以累上之辭言之何也
其殺之不以其罪也其殺
之不以其罪奈何里克所
爲弑者爲重耳也夷吾曰

是又將殺我乎故殺之不
以其罪也其爲重耳弑奈
何晉獻公伐虢得麗姬獻
公私之有二子長曰奚齊
稚曰卓子麗姬欲爲亂故
謂君曰吾夜者夢夫人趨